

包 佶 李嘉佑 韓 翃

唐詩百名家全集

埽葉山房發行

包舍人詩集卷首

傳略 評說附

包何字幼嗣潤州延陵人父融集賢院學士

藝文志作大理司直

與賀知章張若虛張旭齊名當時號為四友又與

儲光羲皆延陵人曲阿有餘杭尉丁仙芝緱氏主簿蔡隱夫監察御史蔡希周處士張彥惟張湘校書郎


張翬吏部常選周瑀長洲尉談駢句容有王府參軍殷遙硤石主簿樊光橫陽主簿沈如筠江寧有右拾

遺孫處玄處士徐延壽丹徒有江都主簿□挺武進尉申堂構十八人皆有詩名殷蟠次其詩為丹陽集

者

馬氏通考

何登天寶七載進士大曆間起居舍人經籍攷詩一卷唐宋志無今刻詩一卷



包刑侍詩集目錄

起居舍人延陵 包何 幼嗣

送泉州李使君

和孟虔州齋居

淨律院梳子樹

同閻伯均宿道觀

送烏程王明府貶巴江

同班韋二員外詠秋苔

送王汶宰江陰

和苗員外寓直中書

闕下芙蓉

江上田家

送韋侍御催青苗錢

和程員外東郊即事

賦得隔簾見春雨

相里使君第七男

尋李方直不遇

留別鄧使君

寄楊侍御

賦得秤送孟孺卿

包刑侍詩集目錄

唐詩百名家全集

包刑侍詩目

一掃葉山房藏板

卷之五

五

色刑侍詩集

起居舍人延陵 包 何 幼嗣

送泉州李使君之任

英華作送李使君赴泉州

傍海皆荒服分符重漢臣雲山百粵路市井十洲人執玉來朝遠還珠入貢頻連年不見雪到處即行春

和孟虔州齋居

英華作虔州閑齋

即事

古郡鄰江嶺公庭半薜蘿府寮閑不入山鳥靜偏過睥睨臨花柳闌干枕菱荷麥秋今欲至君聽雨岐歌

同李郎中淨律院玩子樹

木杪稀難識沙門種則生葉殊經寫字子為佛稱名滬水澆新長燃燈暖更榮亭亭無別意只是勸修行

同閻伯均宿道觀有述

南國佳人去不迴洛陽才子更須媒綺琴白雪無心弄

英華作情棄

羅幌清風到曉開冉冉修篁依戶牖迢迢

列宿映樓臺縱令奔月成仙去且作行雲入夢來

送烏程王明府貶巴江

一片孤帆無四鄰北風吹過五湖濱相看盡是江南客獨有君為嶺外人

同舍弟佖班韋二員外對秋苔成咏

每看苔鮮色如向簿書閑幽思纏芳樹高情寄遠山雨痕連地綠日色出林班却笑興公賦臨危滑石閒

送王汶宰江陰

比郡乘流去花間竟日行海魚朝滿市江鳥夜喧城止酒非關病援琴不在聲應緣五斗米數日滯淵明
和苗員外寓直中書

朝列稱多士君家有二難貞為臺裏柏芳作省中蘭夜宿分曹間晨趨接武歡每憐雙闕下鴈序入鴛鴦
闕下芙蓉

一人理國致昇平萬物呈祥助聖明天上河從闕下過江南花向殿前生慶雲垂陰開難落湛露為珠滿
不傾更對樂懸張翼簇歌工欲奏採蓮聲

江上田家

近海川原薄人家本自稀黍苗期臘酒霜葉是寒衣市井誰相識漁樵夜始歸不須騎馬問恐畏狎鷗飛
送韋侍御奉使江嶺諸道催青苗錢

近遠從王事南行處處經手持霜簡白心在夏苗青迴鴈書應報愁猿客屢聽因君使絕域方物盡來庭
和程員外春日東郊即事

郎官休浣憐遲日野老歡娛為有年幾處折花驚蝶夢數家留葉待蠶眠藤垂宛地紫珠履衆迸侵堦浸
綠錢直到閉關朝謁去鶯聲不散柳含煙

裴端公使院賦得隔簾見春雨

細雨未成霖垂簾但覺陰唯看上砌濕不遣入簷深度隙霜霜簡因風潤綺琴須移戶外屢簷溜夜相侵
相里使君第七男生日

娶妻生子復生男獨有君家衆所談荀氏八龍唯欠一桓山四鳳已過三他時幹蠱聲名著今日懸弧宴
樂酣誰道衆賢能繼體須知箇箇出於藍

同諸公尋李方直不遇

聞說到揚州吹簫憶舊遊人來多一作都不見莫是上迷樓

婺州留別鄧使君

西掖馳名久東陽出守時江山婺女分風月隱侯詩別恨雙溪急留歡五馬遲迴舟映沙嶼未遠刺相思

寄楊侍御

一官何幸得同時十載無媒獨見遺今日不論腰下組請君看取鬢邊絲

賦得科送孟孺卿

願以金秤鎚英華作
鍾科

因君贈別離鈎懸新月吐衡舉一作直

衆星隨掌握須平執鐺鉢必盡知由來投分審

莫放弄權移

補遺一首見唐詩類苑

長安曉望寄崔補闕

迢遞山河擁帝京參差宮殿接雲平風吹曉漏經長樂柳帶晴煙出禁城天淨笙歌臨路發日高車馬隔
塵行自憐久滯諸生列未得金閨籍姓名

包刑侍詩集

包祕監詩集目錄

祕書監丹陽郡公包 佖 幼正

荅竇拾遺見寄

對酒贈故人

伏日口號

卧疾寄劉長卿

戲題諸判官廳壁

酬李侍郎晚過

昭德皇后挽歌

秋日過徐氏園林

雙山過信公所居

獻尚書宗兄

抱疾謝李吏部

和柳相公言懷

酬于侍郎湖南見寄

朝拜元陵

發襄陽後寄公安人

立春後休沐

宿廬山贈劉尊師

觀壁畫九想圖

送日本晁巨卿東歸

顧著作宅賦詩

近獲風痺題寄所懷

和常閣老即事

酬顧況見寄

歲日作

再過金陵

元日觀百僚朝會

祀風師樂章五

祀雨師樂章五

包祕監詩集目錄

包祕監詩集

祕書監丹陽郡公包 佖 幼正

答竇拾遺卧病見寄

今春扶病移滄海幾度承恩對白花送客屢聞簷外鵲銷愁已辨酒中蛇瓶開枸杞懸泉水鼎鍊芙蓉伏火砂誤入塵埃牽吏役羞將簿領到君家

對酒贈故人

扶起離披菊霜輕喜重開醉中驚老去笑裏覺愁來月送人無盡風吹浪不回感時將有寄詩思澀難裁
同李吏部伏日口號呈元九子路中丞

火炎逢六月金伏過三庚幾度衣裳澣誰家枕簟清頌冰無下位裁扇有高名吏部還開甕殷勤二客情
嶺下卧疾寄劉長卿員外

唯有貧兼病能令親愛踈歲時供放逐身世付空虛腰弱秋添絮頭風曉梳波瀾喧衆口蔡霍靜吾廬
喪馬思開卦占鴉嬾發書十年江海隔離恨子知予

戲題諸判官廳壁

六十老翁無所取二三君子不相遺願留今日交歡意直到隳官謝病時

酬兵部李侍郎晚過東廳之作

時任刑部侍郎
拜國子祭酒

酒禮慚先祭刑書已曠官詔馳黃紙連身在絳紗安聖位登堂靜生徒跪席寒庭槐暫搖落幸為入春看

昭德皇后挽歌詞

西汜馳暉過東園別路長歲華唯隴柏春事罷公桑龜兆開泉戶禽巢閉畫梁更聞哀禮過明詔制心喪
秋日過徐氏園林

回塘分越水古樹積吳煙埽竹催鋪席垂蘿待繫船烏窺新埽栗龜上半欹蓮屢入忘歸地長嗟俗事牽
雙山過信公所居

遙禮前朝塔微聞後夜鐘人間第四祖雲裏一雙峯積雨封苔徑多年亞石松傳心不傳法誰可繼高蹤
尚書宗兄使過詩以奉獻

洛下交親滿歸閑意有餘翻嫌舊坐宅却駕所一作新懸車腹飽山僧供頭輕侍婢梳上官唯揖讓半祿代
耕鉏雨散三秋別風傳一字書勝遊如可繼還欲並園廬

抱疾謝李吏部贈訶梨勒葉

一葉生西徼齋來上海查歲時經水府根本別天涯方士真難見商胡輒自誇比香同異域看色勝仙家
茗飲暫調氣梧丸喜伐邪幸蒙祛老疾深願駐韶華

奉和柳相公中書言懷

運籌時所貴前席禮偏深羸駕歸貧宅欵冠出禁林鳳巢方得地牛喘最關心雅望期三入東山未可尋
酬于侍郎湖南見寄十四韻

桂嶺千崖斷湘流一派通長沙今賈傳東海舊于公章甫經殊俗離騷繼雅風金閨文作字玉匣氣成虹

翰墨時無侶丹青夙在工

一作公

主恩留左掖人望積南宮巧拙循名異浮沈顧位同九遷歸上略三已契

愚衷責謝庭中吏

一作禮

悲寬塞上翁楚材欣有適燕石愧無功山曉重嵐外林春苦霧中雪花翻海鶴波

影倒江楓去札頻逢信回帆早掛空避賢方有日非敢愛微躬

朝拜元陵

宮前石馬對中峯雲裏金鋪閉幾重不見露盤迎曉日唯聞木杵扣寒松

發襄陽後却寄公安人

揮淚送迎人將書報所親晚年多疾病中路有風塵王粲頻徵楚君恩許入秦還同星火去馬上別江春

立春後休沐

心與青春背新年亦掩扉漸窮無相學惟避不材譏積病攻難愈銜恩報轉微定知書課日優詔許辭歸

宿廬山贈白鶴觀劉尊師

蒼蒼五老霧中壇杳杳三山洞裏官手護崑崙象牙簡心推霹靂棗枝盤春飛雪粉加豪潤曉漱瓊膏冰

齒寒漸恨流年筋力少惟思露冕事星冠

觀壁畫九想圖

一世榮枯無異同百年哀樂又歸空夜闌烏鵲相爭處林下真僧在定中

送日本國聘賀使晁巨卿東歸

上才生下國東海是西隣九譯蕃君使千年聖主臣野情偏得禮本性本含仁錦帆乘風轉金裝照地新

孤城開蜃閣曉日上朱輪早識來朝歲塗山玉帛均

顧著作宅賦詩 六言

幾年江海煙霞乘醉一到京華已覺不嫌羊酪誰能長守兔置脫巾偏招相國逢竹便認吾家各在苦臺閣裏煩君日日登車

近獲風痺

英華作痺

之疾題寄所懷

病夫將已矣無可答君恩衾枕同羈客圖書委外孫久來從吏道常欲奉空門疾走機先息欲行力漸煩無醫能却老有變是遊魂烏宿還依伴蓬飄莫問根寓形齊指馬觀境制心猿唯借南榮地清晨暫負暄奉和常閣老晚秋集賢院即事寄贈徐薛二侍郎

祕殿掖垣西書樓苑樹齊秋煙凝縹帙曉色上璇題門接承明近池連太液低踈鐘文馬駐繁葉綠禽棲職美綸將綉榮深組及珪九霄偏眷顧三事早提攜對案臨青玉窺書捧紫泥始歡新遇重還惜舊遊睽左宦登吳岫分家渡越溪賦中頻歎鵬卜處幾聽雞望闕應多戀臨津不用迷柏梁思和曲朝夕候金閨酬顧況見寄

干

一作於

越城邊楓葉高楚人書裏寄離騷寒江鷓鴣思傳侶歲歲臨流刷羽毛

歲日作

更勞今日春風至枯樹無枝可寄花覽鏡唯看飄亂髮臨風誰為駐浮槎

再過金陵

玉樹歌終王氣收，鴈行高送石城秋。江山不管興亡事，一任斜陽伴客愁。

元日觀百僚朝會

萬國賀唐堯，清晨會百僚。花冠蕭相府，繡服霍嫖姚。壽色凝丹檻，歡聲散一作微九霄。御鑪分獸炭，仙管弄

雲韶。日照金觴動，風吹玉珮搖。都城獻賦者，不得共趨朝。

祀風師樂章

迎神

大皞御氣白芒肇，功蒼龍青旗爰候祥。風律以和應神以感，通鼎俎脩饗時惟禮崇。

奠幣登歌

旨酒告潔，清蘋應候。禮陳瑤幣，樂獻金奏。彈弦自昔，解凍惟舊。仰瞻盱眙，靈羣祥來湊。

迎俎酌獻

德盛昭臨，迎拜異方。爰候發生，式薦馨香。酌醴具舉，工歌再揚。神歆入律，思降百祥。

亞獻終獻

背鄉備玉帛，陳風動物樂。感神三獻終，百神臻草木。榮天下春。

送神

微穆數華能，應節飄揚發。彩宜行慶迎，送一作迎靈駕。神心饗跪拜，靈壇禮容盛。氣和草木發，萌芽德暢禽。

魚遂翔泳，永望翠蓋。逐流雲自茲，率土調春令。

祀雨師樂章

陟降左右誠達幽圓作解之功樂惟有年雲輅戾止灑霧飄煙惟馨展禮爰列豆籩

迎神

奠幣登歌

歲正朱明禮布元

即玄字

制惟樂能感與神合契陰霧離披靈馭搖裔膏澤之慶期於稔歲

迎俎酌獻

陽開幽壑躬奉鬱鬯禮備節應震來靈降動植求聲飛沈允望時康氣茂惟神之貺

亞獻終獻

奠既備獻將終神行令瑞飛空迎乾德祈歲功乘煙燎儼從風

送神

整駕昇車望寥廓垂陰薦祉湯昏氛饗時靈貺優如在樂罷餘聲送可聞飲福陳誠禮容備撤俎終獻曙
光分跪拜臨壇結空想年年應節候油雲

補遺一首

見唐詩類苑

客自江南話過亡友朱司議故宅

交臂多相共風流憶此人海翻移里巷書靈積埃塵奉佛棲禪久辭官上疏頻故來分半宅唯是舊交親
包祕監詩集